

四庫全書

史部

欽定四庫全書

史部

至大金陵新志卷七
九至

詳校官編修臣曹振鏞

檢討臣德生履勘

總校官檢討臣何思鈞

校對官助教臣陳木

謄錄監生臣甯汝欄

欽定四庫全書

至大金陵新志卷七

元 張鉉 撰

田賦志

易繫曰何以守位曰仁何以聚人曰財理財正辭禁民
為非曰義夫天生五材民並用之盈天地間皆財也然
為治以得民心為本賦之有經取之以時用之有節則
財恒裕而民不困禹貢揚州厥土塗泥厥田下下惟人

工脩而山澤之利廣故其賦反居下上雜出中下不與田之等相當歷代貢賦視時輕重其詳弗可究知以宋史考之東南之取於民者亦已悉矣豪民大家籠水陸之利人莫能與之爭田連阡陌其取於農者十嘗五六官不為之限制也及陷於罪沒入之又即其私租以為稅額計日責收蹙以嚴刑重以他色貢斂故小民樂歲食常不足一有水旱之灾不徙而死耳江淮以南大抵皆然有能陳叔世之弊均什一之制少予民以固根本

者哉

浙西賈似道公田建康括到吳府圩田及歸附之際沒官田土皆以私租為額

今國家都

燕大資海運歲漕東南粟數百萬而舟行類多失亡集慶以便轉輸恒足倉廩以待徵發稽古驗今作田賦志

歷代沿革

景定志曰建康乃揚州一郡古今國都多在焉田賦之制凡幾變更晉宋立限田之式齊梁為寬賦之條陳末淫奢偽唐僭侈苛賦橫斂一切不恤而民不勝其虐天啓我宋剗偽除苛極民塗炭蠲無藝之征損折變之例

嚴者弛之重者輕之而民力紓矣剖符授節選用廉平
安富恤貧損上益下而仁澤溥矣今之建康號為樂國

勤無曠土富無負租本根所由固也

晉平吳之後有司
秦王公以國為家

京城不宜復有田宅未暇作邸當使城中有往來之處
近郊有畱棗之田今可限之國王公侯京城得有宅一
處近郊田大國十五頃次國拾頃小國柒頃城內無宅
城外有者皆聽留之男子一人占田柒拾畝女子參拾
畝其丁男課田伍拾畝丁女貳拾畝次丁男半之女則
不課其官第一品伍拾頃每品減伍頃為之差第九品
拾頃而又各以品之高低蔭其親屬多者及九族少者
三代宗室國賓先賢之後士人子孫亦如之而又得蔭
人為衣食容及佃容量其官品以為差降晉成帝咸
和五年初稅田畝參并孝武太元八年始增百姓稅米

每口伍碩 宋孝武帝大明初羊希為尚書左丞時揚州刺史西陽王子尚上言山湖之禁雖有舊科人俗相因替而不奉燎山封水保為家利自頃以來頽弛日甚富強者兼嶺而占貧弱者薪蘇無託至漁採之地亦又如茲斯實害理之深弊請損益舊條更申恒制有司檢壬辰詔書擅占山澤彊盜律論賊壹丈以上皆棄市希以壬辰之制其禁嚴刻事既難遵理與時弛而占山封水漸染復滋更相因仍便成先業一朝頓去易致怨嗟今更刊革立制五條凡是山澤先恒燠燠種竹木薪果為林仍及陂湖江海魚梁鮪黨恒加工修作者聽不追舊官品第一第二品聽占山叁頃第三品第四品貳頃伍拾畝第五品第六品貳頃第七品第八品壹頃伍拾畝第九品及百姓壹頃皆依定格條上貲簿若先已占山不得更占先占足若非前條舊業一不得禁有犯者水土一尺以上並計贓依常盜論除晉咸康二年壬辰之科從之 齊高帝初竟陵王子良上表曰宋文帝元

嘉中皆責成郡縣孝武征求急速以郡縣遲緩始遣臺使自此公役勞擾凡此輩使人既非詳慎貪險崎嶇以求此役朝辭禁門情態即異暮宿村縣威福便行驅迫郵傳折辱守宰瞻郭覩境飛下嚴符但稱行臺未明所督設總曹屬震驚都邑深村遠里俄刻十催或尺布之逋曲以當疋百錢餘稅且增為千誑云質作尚方寄繫東治百姓駭迫不堪其命恣意贓賄無人敢言貧薄禮輕即生謗讟愚謂凡諸檢課宜停遣使明下符旨審定期限如有違越隨事糾坐則政有常典人無怨嗟子良又啟曰今所在穀價雖和室家飢噍縑纒雖賤駢門髀質而守宰務在哀刻園桑品屋以准貲課致令斬木發瓦以充重賦破人敗產要利一時東郡使人年無常限郡縣相承准令上直每至州臺使命切求迫急乃有畏失嚴期自殘軀命亦有斬絕手足以避徭役守長不務先富人而唯言益國豈有人貧於下而國富於上耶自東晉寓居江左百姓南奔者並謂之僑人往往散居無

有土着而江南之俗火耕水耨土地卑濕無有蓄積之
資諸蠻厥俚洞窟沫王化者各隨輕重收財物以裨國
用又嶺外酋帥因生口翡翠明珠犀象之饒雄於鄉曲
者朝廷多因而注之以收其利歷宋森梁陳皆因而不
改其軍國所須雜物隨土所出臨時折課市取乃無常
法定令列州郡縣制其任土所出以為征賦其無貫之
人不樂州縣編者謂之浮浪人樂輸亦無定數任量唯
所輸終優於正課焉佃客丁男調布絹各二丈絲三兩
綿八兩祿絹八尺祿綿三兩二分租米五碩丁女並半
之男年十六亦半課十八正課六十六免課其男丁每
歲役不過二十日其田畝稅米二升蓋大率如此其度
量三升當今一升秤則三兩當今一兩尺則一尺二寸
當今一尺又曰五縣田賦叅乾道志百年之間互有虧增田
則今少於昔者三百餘萬畝昔未有沙田營田所載者

已百柒拾柒萬貳千捌百餘今其實數併沙田營田止

肆伯叁拾肆萬壹千陸伯餘

上元山田肆拾叁萬伍千玖伯畝圩田貳拾萬叁千

玖伯捌拾畝沙田拾壹萬貳千畝營田貳千捌伯玖拾
畝江寧山田貳拾陸萬貳千壹伯畝圩田拾捌萬壹千

叁伯畝沙田肆萬肆千叁伯畝總領所營田玖千陸伯

玖拾畝地壹千捌伯畝草塌水漾地壹伯叁拾畝轉運

司營田地共貳千畝甸容田柒拾肆萬叁伯壹畝地貳

拾陸萬壹千肆拾壹畝沙田壹千壹百貳拾叁畝沙地

蘆塲等叁千伍伯玖畝營田伍千捌伯玖拾伍畝地壹

千玖伯玖畝溧水山田伍拾萬壹千肆伯叁拾畝肆

角捌拾柒步半圩田貳拾玖萬壹千壹伯叁畝沙田壹

千叁伯玖拾畝營田叁千肆伯柒拾捌畝營地壹伯陸

拾貳畝溧陽田玖拾伍萬陸千柒伯伍畝地捌拾萬壹

千肆伯柒拾肆畝圩田叁萬壹千柒伯柒拾陸畝各有

奇又曰營租者紹興初以閒田立官莊時田募人耕墾此營田之始也初以軍耕後以民耕初以稻入後以錢入初以餉馬後以餉軍初則優其課蠲其征而民樂趨之後則畏而欲避之籍不能改矣今隸總領所者田地貳萬柒千柒伯柒拾畝租錢肆千肆伯貳拾貫各有奇又有麥及馬料之入馬沙租者沙磧地民墾種穀或長蘆縣收其租錢自淳祐八年田事所經理縣不得與而隸總領所田納米地納錢寶祐三年有旨三分減一以寬民力今沙田沙地拾陸萬貳千叁伯伍拾捌畝租米肆萬貳千肆伯肆拾柒石各有奇錢不與馬寶慶句容嘉定溧陽二志與夏料則今多於昔折帛錢叁拾肆萬二郡志又不同

貫玖伯肆拾貳文錢會中半于內除豁江埭寨占并本府運司合抱認江寧句容縣和買役錢共壹萬壹千貳伯肆貫貳伯伍拾伍文外實催叁拾叁萬貳伯貳拾玖貫陸伯捌拾柒文錢會中半縮細共捌萬陸千柒拾壹

尺伍丈肆尺貳寸捌分伍釐內貳千捌佰肆拾貳壹丈伍尺玖寸元係折細照科折則例細每疋折錢伍貫綳每疋亦折錢伍貫遂將上件細併改折綳催納絲伍千貳佰柒拾伍兩綿叁拾叁萬玖千六百玖拾肆兩小麥叁千陸拾秋料則昔多於今米拾玖萬玖千壹拾柒碩碩各有奇折草豆錢貳萬叁千陸佰貫布貳千肆佰拾柒疋蘆蓼穰草不與蓼音廢蘆蓼席也以領計米鋪襯蘆蓼席也南唐泐征之一也其間

賦稅窠名又有昔無今有昔有今無者皆未詳其故意者田有坍塌或有撥隸賦有因革或有虧增姑按今府

縣所報觀之其制亦煩矣

咸氏云修景定志者在其時猶不能知其故況今去景定

又數十年其詳豈可一一追究哉夫古者制地有常使民易於共上若名色出沒不一則是明除暗增愚而弊

之之術何足取耶其錢米之數與所隸亦皆不一米用
文思院斛石當今七斗又有軍斗當今七升弱錢有見
錢會子闕子故老言所見其法三變矣初見會子十六
界上畫寶餅蓋其始貫當見錢百文錢且難得欲重之
行十七界貫當錢柒拾柒文謂之官省錢後又減至柒
拾貳文柒拾文以至伍拾貳文則為十八界大小會子
矣十八界上畫銀定其文曰貳伯文者為小會子壹貫當
錢伍拾貳文曰壹貫文者為大會子壹貫當錢貳伯陸
拾文壹當伍也最後行十九界關子上畫火珠貫當大
會子叁貫類若此故不可詳其所隸府之外有總領所
轉運司句容志歲解饒州提刑司錢百伍拾貫新安志
歲解建康府絹伍千疋後減半句容志月收秋苗錢月
不同歲三月則給責僧道僧貳伯柒拾肆貫錢柒伯肆
拾貫道士伯柒拾柒貫錢叁伯柒拾貫身丁職事師號
等有差此又與
諸志不同者

景定二年江東轉運司括到吳府圩田

租數隸建康府元溧水兩縣者歲計租米壹萬叁千柒伯柒拾捌碩捌斗捌升肆合伍勺租麥壹拾肆碩伍斗玖升伍合並文思院斛撥入淮西總領所理充支遣

吳參政淵丞相潛得罪黜罷所沒之田歸附後又有稅
斷沒朱張錢糧溧陽州并在城錄事司皆有糧稅

田租米不在此數前宋恤民者有真德秀張埏李大東馬光祖趙時侃陸子適諸公詳見舊志

田土

集慶路州司縣屬官民田土經理實數總計柒萬柒仟

伍伯貳拾捌頃叁拾壹畝貳分貳釐貳絲貳忽

夏稅

秋糧

租課

土貢

錄事司官民田土

係官地貳仟貳佰伍拾肆畝肆分

財賦田地

田貳拾陸頃捌拾陸畝捌分伍厘壹毫

地貳拾陸頃柒拾壹畝叁分伍厘捌毫

江寧縣官民田土玖仟玖佰伍拾捌頃貳拾壹畝玖
分壹厘肆毫

官田土壹仟捌佰貳拾頃叁拾玖畝貳分叁厘
肆毫

民田土捌仟壹佰叁拾柒頃捌拾貳畝陸分捌
厘

元科田土玖仟叁佰肆拾叁頃壹拾柒畝陸分柒厘玖毫

官田壹仟陸佰陸拾肆頃叁拾玖畝玖毫

田伍佰伍拾伍頃貳拾壹畝肆分玖厘

地貳佰柒拾貳頃叁拾叁畝壹分伍厘伍毫

山叁拾壹頃壹拾伍畝貳分柒厘

住基貳拾捌畝伍分肆厘

塘伍畝捌分伍厘

草塌貳拾柒頃陸拾捌畝陸分玖厘

蘆地叁伯捌拾玖頃柒拾畝叁分叁厘肆毫

菱泮貳頃叁拾壹畝陸分陸厘

鴈蘆地玖拾頃壹拾壹畝壹分

埕壹頃壹拾畝貳分玖厘

沙地壹伯叁拾陸頃玖拾貳畝貳分貳厘

水漾叁拾伍頃伍拾柒畝捌分捌厘

官蕩蘆地壹伯貳拾壹頃玖拾貳畝伍分叁

厘

民田土柒仟陸佰柒拾捌頃柒拾捌畝陸分柒

厘

田肆仟柒佰叁拾貳頃柒拾壹畝伍分柒厘

地壹仟叁佰貳拾捌頃叁拾捌畝柒分柒厘

山壹仟叁佰肆拾伍頃壹拾柒畝伍分肆厘

住基陸拾玖頃陸拾捌畝伍分貳厘

草塌貳頃柒拾畝捌厘

蘆地陸拾貳頃伍畝肆分伍厘

蘆蕩壹伯貳拾捌頃捌拾捌畝伍分

白沙蕩叁頃

水塘叁頃伍拾貳畝貳分柒厘

菱漾陸拾伍畝貳分貳厘

水漾壹拾畝柒分伍厘

埕壹頃玖拾畝

自實田陸伯壹拾伍頃肆畝貳分叁厘伍毫

官田壹伯伍拾陸頃貳分貳厘伍毫

田壹拾陸頃叁拾玖畝捌分叁厘

地叁拾叁頃陸拾叁畝叁分柒厘玖毫

山叁頃陸拾柒畝柒分貳厘

住基肆畝叁分貳厘

塘陸畝伍分壹厘

蘆地壹拾貳頃捌拾玖畝柒分柒厘伍毫

草塌貳拾伍頃壹拾捌畝玖分叁厘

沙地貳拾貳頃捌拾貳畝肆分柒厘壹毫

水漾貳拾伍頃捌拾叁畝叁厘

沉水白沙玖頃柒拾肆畝柒分伍厘

菱泚壹頃玖畝陸分陸厘

鴈蘆地壹拾肆頃伍拾玖畝捌分伍厘

民田肆伯伍拾玖頃肆畝壹厘

田貳伯貳拾頃壹拾壹畝伍分貳厘

地捌拾陸頃陸拾畝伍分玖厘

山壹伯叁頃玖拾畝伍分叁厘

住基柒拾壹畝陸厘

塘柒頃陸拾貳畝肆分

蘆地貳拾柒頃肆拾貳畝叁分貳厘

草塌壹拾貳頃陸拾伍畝伍分玖厘

上元縣官民田土壹萬玖仟玖伯柒拾頃捌拾伍畝
貳分柒厘柒毫貳絲貳忽

元科田土玖仟玖伯捌拾伍頃肆拾貳畝陸分叁

厘捌毫陸絲壹忽

官田土捌伯捌拾捌頃陸拾伍畝貳分柒毫伍

絲壹忽

田肆伯肆拾陸頃叁拾壹畝貳分貳厘叁毫

陸忽

地貳伯肆頃壹拾捌畝柒厘叁絲

山壹伯柒頃肆拾捌畝捌分捌厘肆毫捌絲

伍忽

塘壹拾陸頃叁拾畝伍分柒厘玖毫叁絲

蘆蕩壹伯陸頃貳拾玖畝伍分捌厘

雜產捌頃陸畝捌分柒厘

民田土玖仟玖拾陸頃柒拾柒畝肆分叁厘壹毫壹絲

田伍仟叁伯柒拾捌頃陸拾貳畝陸分玖厘陸毫叁絲

地壹仟肆伯叁拾捌頃玖拾陸畝伍分貳厘

伍毫捌絲

山貳仟柒拾壹頃捌畝伍分伍厘伍毫

塘壹佰玖拾伍頃捌拾柒畝壹分玖厘肆毫

雜產壹拾貳頃貳拾貳畝肆分陸厘

開除聽候田土柒佰伍拾頃柒拾貳畝玖分肆厘

柒毫

官田土

田伍拾叁頃貳拾畝陸分玖厘伍毫

地柒頃柒拾玖畝肆分貳厘貳毫壹絲

民田土

田肆伯玖頃叁拾玖畝叁分肆厘

地捌拾伍頃伍拾柒畝肆厘

山壹伯柒拾貳頃叁拾陸畝陸分貳厘

塘貳拾貳頃叁拾玖畝捌分貳厘

自實田土玖仟貳伯叁拾肆頃陸拾玖畝陸分玖

厘壹毫陸絲壹忽

官田土捌伯貳拾柒頃陸拾伍畝玖厘伍絲壹
忽

田叁伯玖拾叁頃壹拾畝伍分貳厘捌毫陸
忽

地壹伯玖拾陸頃叁拾捌畝陸分肆厘捌毫
貳絲

山壹伯柒頃肆拾捌畝捌分捌厘肆毫捌絲
伍忽

塘壹拾陸頃叁拾畝伍分柒厘玖毫叁絲
蘆蕩壹伯陸頃貳拾玖畝伍分捌厘

雜產捌頃陸畝捌分柒厘

民田土捌仟肆伯柒頃肆畝陸分壹毫壹絲

田肆仟玖伯陸拾玖頃貳拾叁畝叁分伍厘

陸毫叁絲

地壹仟叁伯伍拾叁頃叁拾玖畝肆分柒厘

伍毫捌絲

山壹仟捌伯玖拾捌頃柒拾壹畝玖分叁厘
伍毫

塘壹伯柒拾叁頃肆拾柒畝叁分柒厘肆毫
雜產壹拾貳頃貳拾貳畝肆分陸厘

句容縣官民田土壹萬貳仟捌伯貳拾柒頃伍拾叁
畝陸分貳厘

官田土肆伯肆拾伍頃叁拾伍畝叁分貳厘

田貳伯陸拾捌頃柒拾柒畝伍分

地伍拾伍頃伍拾貳畝貳厘

山壹伯壹拾頃貳拾壹畝貳分玖厘

雜產壹拾頃捌拾肆畝伍分壹厘

民田土壹萬貳仟叁伯捌拾貳頃壹拾捌畝叁

分

田柒仟貳伯肆拾捌頃玖拾陸畝伍分伍厘

地壹仟捌拾頃伍拾柒畝陸分肆厘

山肆仟貳拾壹頃柒畝貳分貳厘

塘肆頃玖拾伍畝

雜產貳拾陸頃陸拾壹畝捌分玖厘

漂水州官民田土壹萬陸仟玖伯捌拾伍頃玖拾陸畝玖厘

官田土壹仟柒拾伍頃肆拾玖畝伍分貳厘

田壹仟肆拾肆頃柒拾肆畝柒分叁厘

地貳拾貳頃玖畝捌分

山伍頃捌拾柒畝伍分陸厘

桑園壹畝柒厘

水蕩貳拾壹畝

塘壹拾貳畝玖分壹厘

雜產貳頃肆拾貳畝肆分叁厘

民田壹萬伍仟玖佰壹拾頃肆拾陸畝伍分玖厘

田捌仟捌佰貳拾伍頃貳拾叁畝玖分地壹仟肆拾柒頃陸拾伍畝叁分陸厘

山叁仟捌佰柒拾頃貳拾肆畝柒分叁厘

桑園柒佰貳頃伍拾陸畝柒厘

塘貳佰玖拾柒頃貳拾陸畝伍分叁厘

雜產壹仟壹佰陸拾柒頃伍拾畝

梁陽州官民田地山蕩共壹萬柒仟柒佰玖頃陸拾
貳畝壹分壹厘

元科田地山壹萬陸仟陸佰肆拾柒頃叁拾畝伍
分柒厘玖毫

田玖仟柒佰叁拾肆頃貳拾陸畝玖分叁厘
地肆仟壹佰玖拾伍頃伍拾壹畝玖分肆厘

陸毫

山貳仟柒佰壹拾柒頃伍拾壹畝柒分叁厘
經理田地蕩壹仟陸拾貳頃叁拾壹畝伍分叁厘

壹毫

田捌佰捌拾肆頃肆拾貳畝肆分柒毫

地壹佰柒拾柒頃陸拾貳畝肆分柒厘肆毫

蕩貳拾陸畝陸分伍厘

貢賦

在城錄事司

係官

稅糧

小麥肆伯肆拾柒碩貳斗肆升玖合

租錢貳伯叁拾壹定肆拾肆兩肆錢玖分

黃豆肆伯肆拾柒碩貳斗肆升玖合

粳米壹碩叁斗捌升捌合

紅花

花貳仟玖佰捌斤陸兩貳錢

鈔貳佰叁拾貳定叁拾叁兩伍錢伍分

房錢貳佰陸拾伍定壹拾玖兩叁分壹厘

內有豐和

棚租錢壹

拾貳定

酒醋課中統鈔貳仟捌佰伍拾玖定壹拾壹兩

壹錢陸分肆厘

內醋課錢陸拾捌定貳拾伍兩玖分貳厘

歷日錢叁拾壹定壹拾伍兩

在城稅務歲辦伍仟壹佰柒拾肆定壹拾伍兩

伍錢陸分陸厘

財賦

菜地錢貳拾伍定壹拾肆兩玖錢壹分

房地錢中統鈔玖拾陸定玖兩

十塲水面錢壹佰壹拾陸定貳拾伍兩

秦淮河水面錢中統鈔貳拾肆定

歲貢土物

滿殿香麩壹萬斤

狝皮壹拾伍張

江寧縣

係官

稅糧

絲伍仟伍佰肆拾貳斤壹拾肆兩伍錢貳厘

陸毫

綿貳仟陸伯捌拾玖斤壹拾兩捌錢貳分

布玖拾匹柒尺陸寸叁分貳厘

鈔壹伯壹拾叁定貳拾伍兩玖錢壹厘

黃豆肆伯貳拾柒碩柒斗陸升

小麥肆伯伍拾柒碩捌斗叁升壹合

粳米貳萬肆拾肆碩玖斗柒合肆勺

酒醋課程柒伯壹拾貳定貳拾伍兩肆錢伍分

陸厘

房地錢貳拾玖定肆拾叁兩伍錢捌厘捌毫
蘆課壹伯肆拾捌定肆拾伍兩叁錢陸分
歷日錢陸拾貳定叁拾玖兩伍錢

財賦

酒醋課程陸伯捌定壹拾兩肆錢

租錢肆伯伍拾陸定玖兩捌錢陸分陸厘

田地山租錢柒拾捌定叁拾叁兩壹錢伍分

草塌蘆地租錢叁伯陸拾柒定貳拾肆兩伍分

壹厘

菱泝租錢肆定肆拾玖兩陸錢陸分伍厘

河泊租錢伍定叁兩

稅糧

大麥肆伯壹拾碩叁斗陸升貳合

小麥柒伯伍拾碩陸斗壹升貳合

紅花捌伯叁拾捌斤壹拾兩肆錢伍分

粳米肆仟貳拾伍碩伍斗貳升叁合陸勺

粳稻陸伯伍拾叁碩捌斗肆升柒合

黃豆壹仟叁伯陸拾碩肆升捌合肆勺

歲貢土物貉皮柒伯陸拾張半

上元縣

係官

稅糧

絲壹萬壹仟伍拾柒斤柒分肆厘肆毫

綿叁仟柒伯玖拾伍斤壹拾貳兩玖錢貳厘

壹毫

布肆伯玖拾壹尺捌寸叁分壹厘

鈔玖拾壹定壹拾肆兩貳錢玖分叁厘叁毫

黃豆伍拾碩壹斗貳升

小麥叁拾陸碩柒斗伍升貳合叁勺壹抄柒

撮

粳米叁萬貳仟捌佰伍拾肆碩玖斗陸升柒

合

鈔貳定貳拾兩壹錢柒分捌厘

酒醋課程壹仟伍佰肆拾肆定肆拾肆兩叁錢

柒分

房地錢陸拾貳定柒兩闕錢陸分肆厘

蘆課壹佰壹拾柒定肆拾陸兩陸錢陸分伍厘

歷日錢柒拾壹定肆拾陸兩叁錢

財賦

課程中統鈔伍佰叁拾玖定肆拾陸兩貳錢肆

分玖厘

田地山蕩等租錢伍拾壹定叁拾兩捌錢陸分陸厘

草塌蘆地租錢肆伯柒拾叁定肆拾玖兩柒分肆厘

河泊水面并帶辦渡租錢玖定貳拾伍兩

園圃租錢貳定叁拾肆兩玖錢

冰窖租錢壹定叁拾兩

菱溝租錢貳拾陸兩肆錢玖厘

稅糧

小麥叁伯捌碩壹升陸合

紅花壹仟肆伯伍拾捌斤捌兩肆錢玖分

綿貳拾陸斤陸兩捌錢柒分伍厘

粳米壹萬伍伯陸拾叁碩肆斗伍升捌合陸
勺

豆壹仟叁伯貳拾碩柒斗柒升玖合

歲貢土物貉皮柒伯陸拾陸張

句容縣

稅糧

絲壹萬壹仟陸伯玖斤玖兩柒錢陸分

綿貳仟捌伯玖拾伍斤捌兩叁厘

鈔陸拾貳定貳拾貳兩貳錢肆分肆厘

官米叁仟玖伯伍碩壹斗貳合

民米叁萬叁仟陸伯柒拾陸碩伍斗肆升玖合

酒醋課壹仟伍佰叁拾肆定叁兩伍分

茶課貳拾定

房地錢壹拾伍定壹拾壹兩玖錢壹分貳厘

歷日錢捌拾陸定叁拾陸兩柒錢

生帛局造辦棗褐鴉青明綠白色紵絲斜紋肆伯

玖拾伍段

縣務稅課叁伯伍拾玖定貳拾玖兩伍錢肆厘

常寧務稅課貳伯捌拾肆定拾肆兩捌錢捌分

白土務稅課貳佰壹拾捌定叁拾貳兩

東陽務稅課壹佰叁拾定貳拾伍兩

帶辦財賦課程柒拾柒定肆拾柒兩

歲貢土物貉皮壹仟玖佰捌拾陸張

翎毛捌仟壹佰根

茅山蒼木貳佰斤

漂水州

係官

稅糧

絲壹萬叁仟肆拾玖斤壹拾伍兩貳錢陸分
捌厘

綿柒仟陸佰伍拾柒斤柒兩伍分柒厘

鈔壹佰叁拾陸定壹兩伍分壹厘

粳米捌萬玖仟柒佰貳拾陸碩陸斗壹升伍
合

麥柒佰肆拾碩捌斗玖升陸合

豆貳拾碩肆斗肆升肆合

糲米貳伯肆拾叁碩壹斗貳升肆合

租課

租錢貳拾陸定肆拾叁兩陸錢玖分壹厘

課鈔肆伯肆拾壹定叁拾陸兩玖錢

江淮財賦

稅糧

絲貳拾伍斤玖兩伍錢

粳米肆萬捌仟玖拾伍碩叁斗叁升玖合

麥肆拾壹石陸斗叁升

糯米貳佰肆拾叁碩壹斗貳升肆合

租課鈔肆佰伍拾叁定肆拾肆兩陸錢壹分玖厘

酒醋課歲辦總計貳仟叁佰貳拾柒定叁拾伍兩陸錢捌分肆厘

稅課在城務官塘務東堤務高淳務歲計總辦柒

伯玖拾伍定肆拾捌兩伍錢貳分伍厘

歷日錢壹伯貳拾伍定貳陸兩貳錢

歲貢土物

羖毳羊皮陸伯伍拾尺

翎毛捌仟壹佰根

貉皮貳伯肆拾柒張半

溧陽州

係官稅糧

官稅

絲壹伯壹拾柒斤壹拾壹兩捌錢柒分肆厘
貳毫

綿柒拾肆斤貳兩陸分捌厘柒毫

折錢肆定捌兩貳錢陸分捌厘陸毫

民稅

絲柒仟伍拾捌斤壹兩肆錢玖分捌厘

綿叁仟貳伯壹拾伍斤壹兩伍錢叁厘叁毫

折錢壹佰肆拾壹定肆兩柒錢捌厘肆毫

官糧肆仟捌佰叁拾玖碩柒斗叁升伍勺

民糧叁萬玖仟玖拾陸碩貳斗叁升柒合

酒醋課程壹仟柒佰肆拾捌定貳拾壹兩柒錢肆
分

茶課貳拾叁定叁拾叁兩肆錢柒分伍厘

歷日錢壹佰伍拾壹定壹拾壹兩伍錢

房地錢壹定壹拾陸兩陸錢肆分

回面包銀錢壹拾陸定

江淮財賦

稅糧

絲肆拾柒斤柒兩柒錢柒分伍厘

小麥壹伯捌拾玖碩伍斗貳升捌合

白米陸伯玖拾捌碩玖斗玖升壹合

糙米貳萬貳仟伍伯肆拾玖碩捌斗柒升肆

合

租課錢

長塘河泊漁課玖拾玖定肆拾捌兩伍錢貳分

山租水蕩錢柒定貳拾伍兩玖錢伍分
房地租錢壹定叁拾壹兩肆錢

江制財賦

稅糧

絲玖斤柒兩陸錢叁分叁厘

小麥壹佰伍拾叁碩叁斗肆升壹合捌勺
白米伍佰肆拾伍碩叁斗柒升壹合玖勺
糙米肆仟柒佰陸拾碩壹斗玖升肆合

租錢

山租蕩錢壹定叁兩柒錢叁分

房地錢壹定貳兩捌錢貳分

善農

稅糧

小麥壹拾捌石伍斗柒升叁合

白米陸拾肆石叁斗貳合

糙米壹仟貳佰柒拾叁石肆斗叁升柒合

在城務前陳務舉善務歲辦壹仟叁拾叁定肆拾

柒兩貳錢

歲貢土物

珠子米貳拾貳碩

江瀾財賦
糧內辦納

羊皮陸佰陸拾尺

絡皮叁伯柒拾貳張

翎毛捌仟壹佰根

本路溧陽句容諸局歲造段疋叁仟貳佰件

財賦局歲造段疋壹仟壹拾肆件

物產

穀之品稻粳來牟菽麻粟

帛之品羅絹紗花絹花紗四緊紗紡絲綿

金之品金

山 白 曲

銅鐵

山 赤

銅器

容 白

藥之品玉屑

淮南子云出鍾山

石鍾乳

本草云茅山土石相雜偏生茅草以茅津相滋

乳色稍黑而滑潤謂之茅山乳性微寒

禹餘糧

本草云茅山甚有好者狀如牛黃重重甲錯其佳處

乃戴色泯泯如麵齧之無礫然用之宜細研以水洮取汁澄之勿令有沙土也

黃精

本草云葉大根粗黃

白色至夏華實生人獲

阮孝緒因母疾用藥須得生人獲舊傳鍾山所出孝緒躬歷幽險累日不獲忽

一白鹿前行至一所遂不見就求之果得然此見南朝徧都北藥罕至故以偶得為異今不然耳

鹿梨

本草云江寧府出一種小梨名鹿梨葉如茶根如小木

陶隱居云蔣山白

卷栢

建康記云

石腦

陶隱居云今茅山茅山者為勝

有鑿土

芍藥

陶隱居云今出白山蔣山茅山最好白而大

乾地黃

陶隱居云板橋者為

勝

柴胡麥門冬茵陳王不留行前胡敗醬石韋菴藟地

榆京三稜甘遂牙子天南星鬼白僊茅連翹紫葛桑上

寄生地蜈蚣葶麻茵陳蒿

按本草以上并出江寧

桔梗兔絲香附

子嬰粟荊芥蒼朮玄參百合百部白斂白及地黃地榆

貫衆芫花半夏天門冬天僊藤威靈僊劉寄奴何首烏

夏枯草穀精草

按本草並出溧陽州

芝草菖蒲南燭山桃

按本草並出句

曲山覆盆子吳茱萸

按本草並出溧水州

溪蓀草側栢

並出句

芝草

龍僊芝參成芝燕胎芝夜光洞草芝菴
玉芝煒火芝夜光芝琅葛芝並出茅山

香之品黃連香

山出茅

果之品來禽大杏海紅金錠梅紅桃綠李相公李

出白容

秦公梨櫻桃繡蓮藕芡實菱實蒲萄海門柿石榴香杏

西瓜甜瓜梧桐子地栗橘橙乳柑竹蔗荻蔗

出府境

福鄉

柰

出白容

菜之品萵筍大葱蘿蔔

出深州水

冬瓜筍茭白芹萋蒿防風

菜甘露子竹

禽之品鳧鶉鳩

魚之品鱖魚邵魚

狀如

蟹河魷石首鱗魚鰻魚鮰

魚金魚銀魚比目魚鮓魚魴魚鱖魚蜆

獸之品獐鹿

以上係舊志所載

酒

李白詩堂上三千珠履客甕中百斛金陵春唐人多以春名酒金陵春當時酒名也宋酒名有繡春堂留

都春等至今市酤皆通販他

郡罕及其美或謂水味然也紫毫筆

張文潛明道雜志首載白樂天紫毫

筆詩宣城石上有老兔食竹飲泉生紫毫予嘗問宣州筆工用毫皆陳毫宿州客所販宣兔毫不堪用蓋兔居

原則毫全宣兔居山出入為荆棘樹石所傷毫例短秃白公宣州發解進士宜知偶不問爾又北戶錄兔毫宣

州歲貢青毫陸兩紫毫參兩後又云王羲之嘆江東下濕兔毫不及中山由是而言則宣城亦有兔毫不及北

方勁健為可用也然則毛穎傳李太白詩所言中山非
深水中山明矣廣志曰漢諸郡獻兔毫書鴻門題唯趙
國毫中用漢趙國中山國真定國皆相近屬冀州唐人
所謂中山指此然白詩又云宣城之人米為筆千萬毛
中選一毫毫雖輕工甚重管勒工名充歲貢君兮臣兮
勿輕用又曰起居郎侍御史爾知紫毫不易致每歲宣
城進筆時紫毫之價如金貴唐人皆能書知筆宣城諸
葛氏筆得法擅藝當時唐之宣城昇州皆貢筆前論中
山非此得之矣但產毫之說凡物古今異宜者類多矣
或一時選製之精昇州進筆豈晉人遺法歷隋猶不絕
是以作空青江乘地記曰樵采者常於山上得空青此
貢與空青山一朝出雲零雨必降民人以為常占
礬出句茅山石石次玉又雨華臺石朱希真獵較集有
容茅山石有惟石
菖蒲詩云兩華臺上五色石慶元志其石墨茅山記費
地名瑪瑙岡出五色小石堪為環珎

公得其術寓茅山之東書符救人有功一日出山
傾硯水澗中其石變色因號石墨至今取可書符
附子

烏頭茯苓白朮枸杞澤瀉黃連決明芎細辛貝母防風

玄胡索黃獨山藥玉葷紫芋金罌子茗

茅山志並出山中芎曰茅芎附

子山中名茅附比蜀產者實小而氣劣性大去濕烏頭同

紅花

今充賦

懷香

嵇含懷香賦序余以

太簇之月登于歷山之陽仰眺崇巒俯察幽坂及觀懷香生蒙楚之間曾見斯草植于廣廈之庭或被帝王之圃在其遐弃遂遷而樹于中唐華麗則珠米婀娜若實則可以藏書卞敬宗懷香贊曰有卉維翠因寶制名濛濛葉荏荏弱莖寄芬微風寓秀閒庭懷而芳之為翫于情懷唐本草作藤後作苘皆俗改也與番舶來者不同近圃多種

蘼蕪

唐志曰香草也魏武帝以藏衣中見欄內

甘棠

唐貢蓋即海紅景定

重出呂氏春秋果之美者**檀**二種本草圖經云**檀**木
常實唐人詩有棠梨花

子處處有之孟州特多主霍亂轉筋並煮汁飲之可敵
木瓜食之去心間醋痰實初熟時其氣芬馥人將寘衣

笥中亦香此一種也曾極詩五和糝奇無處覓**檀**新
熟壓枝香注云隱居五和糝中用之謂此又曰陳藏器

云**檀**子本功外食之去惡心酸咽止酒痰黃水小於**榲**
椹而相似北土無之中都有鄭注禮云**檀**梨之不臧者

隱居云**檀**梨曰鑽之鄭公不識**檀**故云然古亦以**檀**為
果今則不入例爾又**榲**椹似**檀**子而小圖經云舊不著

所出今闕陝有之沙苑出者更佳其實大抵類**檀**但膚
慢而多毛味尤甘治胷膈中積食去醋水下氣止渴生

熟皆宜此所謂**檀**又一種**棗****橙****胡桃**梁沈約有為柳世
也今熟之者則呼為**榲**椹

啓**菘**大菘近城十月出極大而美中頗陵劉禹錫嘉話
鹽蕪梁太子有謝救賚大菘記

頗陵語訛兩種自頗以上見戚氏志
按商書伊尹獻令

陵國來土人呼蒞萊
慮涇深夷蠻越涇請令以魚皮之鞞劍之醬蛟獻利劍
為獻周王會圖周公旦主東方國青馬黑鼯謂之母見
揚州禹魚名解喻冠東越海金甌人蟬蛇於越納姑妹
珍且甌文蜃共人玄貝海陽大蟹自深桂會稭以鞞皆
而西嚮此又商周之世揚州
物貢大畧不專在金陵產也

至大金陵新志卷七

欽定四庫全書

至大金陵新志卷八

元 張鉉 撰

民俗志

孟子有云天下之生久矣一治一亂聖人繼亂世之後必改絃易轍奉天道以子萬民庶矣而富之富矣而教之是故六合同風而九州共貫昔漢繼秦海內生齒十耗八九孝惠文景恭儉相承至孝武時烟火萬里雞犬

相聞夫子所稱善人為邦之效者當是時名儒董仲舒
司馬遷之徒論其好尚咸謂宜損周之文用夏之忠此
豈非春秋大一統之義哉而奉筐篚者乖遠謀事威武
者圖近功智者病焉我世祖皇帝初命丞相淮安忠武
王統師南伐嘗戒以當效曹彬勿妄有誅殺故金陵之
降市不易肆休養生息幾及百年生齒日繁而儒術駸
駸進用禮樂興矣金陵在江左風氣特為淳厚士民交
際衣服飲食多中原遺俗今次其版章與前載所稱風

俗之美作民俗志

戶口

前代丹陽郡志戶口有數而管隸地界與今不同

西漢戶拾萬柒仟伍伯肆拾壹口肆拾萬伍仟壹
伯柒拾

東漢戶拾叁萬陸仟伍伯壹拾捌口陸拾叁萬伍
伯肆拾伍

晉戶伍萬壹仟伍伯宋書紀晉太康元康定戶肆

萬壹仟壹拾口貳拾叁萬柒仟叁佰肆拾壹

隋戶貳萬肆仟壹佰貳拾伍

宋景定志所載戶口實數

主戶壹拾萬叁仟伍佰肆拾伍口貳拾貳萬壹仟柒佰伍拾伍

客戶壹萬肆仟貳佰肆拾貳口貳萬陸仟肆佰肆拾壹

上元縣

主戶壹萬壹仟貳佰捌拾口壹萬伍仟柒佰捌拾伍

客戶柒仟肆佰陸拾陸口捌仟柒佰伍拾柒

江寧縣

主戶壹萬壹仟叁佰伍拾肆口壹萬陸仟肆佰捌拾伍

客戶貳仟貳佰伍拾柒口貳仟肆拾柒

句容縣

主戶貳萬貳仟參伯柒拾口伍萬壹伯叁拾

客戶叁仟玖伯玖拾陸口柒仟貳伯壹拾叁

乾道志句容主戶貳萬伍仟捌伯玖拾柒主丁

口陸萬柒仟伍拾客戶貳仟肆伯玖拾陸客丁

口伍仟柒伯陸拾陸較之景定主戶減貳仟伍

伯貳拾柒客戶增壹仟伍伯

溧水縣

主戶貳萬貳仟伍伯貳口肆萬肆仟捌伯陸拾陸

客戶貳仟貳佰伍拾玖口捌仟貳佰伍拾玖

溧陽縣

戶陸萬叁仟玖佰捌拾叁口壹拾叁萬柒佰伍

主皆

乾道舊志溧陽主戶叁萬壹仟貳佰壹拾貳口

陸萬捌仟玖佰叁拾壹客戶無較之景定主戶

增叁萬貳仟柒佰柒拾壹口增陸萬壹仟柒佰

柒拾肆又按溧陽縣志後漢為大縣而戶不滿

萬百官志縣戶萬以上為令不滿為長尉大縣
二人小縣一人光和校官碑稱潁陽長左右兩
尉東晉亦大縣晉志縣大置令縣小置長時置
令唐戶萬以上縣尉二人開元上縣萬戶增一
人城隍廟記尉三人員外尉一人義女碑尉四
人宋慶曆七年戶逾二萬見題名序建炎中戶
參萬陳子高詩溢郭壺漿參萬戶雖詩語未實
然近此數

大元至元二十七年本路抄籍戶口

戶

口

在城錄事司戶壹萬捌仟貳佰伍口玖萬肆仟玖佰玖拾貳

南人戶壹萬伍仟壹佰肆口柒萬玖仟壹佰玖拾壹

軍站人匠戶伍仟捌佰柒拾伍口貳萬陸仟貳

拾柒

無名色戶玖仟貳佰貳拾玖口伍萬叁仟壹佰

陸拾肆

北人戶叁仟壹佰壹口壹萬伍仟捌佰壹

色目戶壹佰肆拾玖口貳仟玖佰壹拾玖

漢人戶貳仟玖佰伍拾貳口壹萬貳仟捌佰捌

拾貳

江寧縣戶貳萬貳仟柒佰伍戶名叁佰肆名男婦壹

拾叁萬貳仟柒佰捌拾柒口

民戶壹萬玖仟玖佰柒戶計壹萬肆仟叁佰伍拾柒口

醫戶柒拾伍口伍佰柒拾壹

淘金戶捌佰貳拾叁口柒仟柒佰玖拾貳

財賦佃戶伍佰柒拾叁口叁仟貳佰伍拾壹

儒戶柒拾伍口肆佰貳拾伍

弓手戶捌拾陸口捌佰肆拾陸

樂人戶壹拾陸口壹伯壹拾貳

無名色戶壹萬捌仟貳佰伍拾玖口壹拾萬壹仟叁伯陸拾

軍戶壹仟壹拾叁口叁仟玖伯叁拾

站戶肆伯玖拾壹口伍仟貳伯貳

匠戶叁伯柒拾叁口叁仟壹伯壹拾陸

哈喇齊戶肆伯捌拾叁口肆仟壹伯叁拾柒

鋪夫戶壹伯壹拾陸口壹仟壹伯肆拾肆

上元縣戶貳萬玖仟貳佰柒拾柒

南人戶貳萬捌仟貳佰陸拾陸

儒戶柒拾肆

醫戶玖拾肆

弓手戶柒拾捌

財賦佃戶壹仟玖佰伍拾柒

貴戶壹拾壹

哈喇齊戶柒佰捌拾捌

民戶貳萬肆仟貳佰貳拾柒

軍戶壹佰零陸

急遞鋪夫戶肆拾陸

匠戶肆佰叁拾柒

水馬站戶肆佰肆拾捌

北人戶壹仟壹拾壹

色目戶壹拾柒

蒙古人戶壹拾肆

輝和爾戶壹

回回人戶壹

契丹人戶壹

漢人戶玖伯玖拾肆

軍戶玖伯柒拾陸

匠戶貳

民戶壹拾伍

馬戶壹

金匱要略卷八
卷八
向容縣戶參萬肆仟捌伯壹拾肆口貳拾壹萬肆仟
柒伯玖拾

南人戶參萬肆仟柒伯陸拾伍

儒戶壹伯壹拾陸

民戶參萬伍伯貳拾

醫戶壹伯參拾柒

財賦佃戶貳

弓手戶壹伯壹拾

哈喇齊戶柒伯叁拾柒

各投下元撥戶內析居戶叁伯

哈喇齊戶柒拾叁

圖圖爾哈戶貳伯貳拾叁

平章養老戶肆

軍戶貳拾壹

新附軍戶壹拾玖

通事軍戶貳

水馬站戶伍伯伍拾貳

匠戶壹仟陸拾

急遞鋪夫戶肆拾

平章養老戶叁伯

圖圖爾哈另項伊蘇岱爾元擄軀口戶捌伯柒拾

北人戶肆拾玖

色目戶壹拾壹

蒙古人戶柒

輝和爾戶壹

回回人戶貳

河西人戶壹

漢人戶叁拾捌

軍戶壹拾叁

民戶壹拾玖

馬站戶壹

儒戶貳

運糧戶壹

急遞鋪夫戶壹

齊哩克昆戶壹

溧水州南北諸色人戶伍萬柒仟捌佰玖拾陸口叁拾壹萬陸仟肆佰貳拾伍

南人戶伍萬柒仟捌佰伍拾伍

民戶伍萬陸仟捌佰肆

儒戶叁佰叁拾柒

醫戶壹伯貳拾壹

弓手戶柒拾柒

財賦佃戶肆仟肆伯玖拾

哈喇齊戶壹仟伍拾

圖圖爾哈戶貳伯叁拾玖

各投下戶壹伯貳拾叁

哈喇齊八十九
圖圖爾哈三十四

無名色戶伍萬叁伯柒拾貳

站戶肆伯捌

水站壹伯捌拾肆

馬站貳伯貳拾肆

匠戶伍伯貳拾肆

軍戶柒

急遞鋪戶壹伯壹拾壹

陰陽戶壹

北人戶肆拾壹

色目人戶陸

漢人戶叁拾伍

溧陽州戶陸萬叁仟肆伯捌拾貳

南人戶陸萬叁仟叁伯陸拾伍

儒戶壹伯叁拾柒

弓手戶玖拾

馬站戶伍

財賦佃戶壹仟捌伯柒拾叁

軍戶伍拾叁

急遞鋪夫戶貳拾肆

醫戶壹伯捌

匠戶玖伯陸拾叁

打捕戶壹伯壹拾柒

齊哩克昆戶柒伯肆拾貳

民戶伍萬捌仟陸伯壹拾

圖圖爾哈戶陸伯肆拾叁

北人戶壹伯壹拾柒

色目人戶壹拾玖

漢人戶玖拾捌

風俗

班固曰凡民函五常之性而其剛柔緩急音聲不同繫水土之風氣故謂之風好惡取舍動靜亡常隨君上之

情欲故謂之俗古者以九州列國為論

周禮東南曰揚州晉書以為江

南之氣踈勁厥性輕揚漢志楚有川澤山林之饒衣食還給不憂凍餓又曰江南卑濕丈夫多天又曰本吳粵與楚接數相并兼故民俗畧同王吉言風百里俗千里則不同後世民

多遷徙又禮樂政治時可易之况與世推移哉然猶有不大遠者是故善為治者必先省之存復其美而消其否

隋志曰丹陽舊京所在人物繁盛小人率多商販君子資於官祿市廛列肆埒於二京人雜五方俗頗相類顏氏家訓曰江東婦女畧無交游婚姻之家或十數年間未相識者惟以信命贈遺致殷勤焉

杜佑通典曰江寧古揚州地永嘉之後帝室東遷衣冠

違難多所萃止藝文儒術斯之為盛今雖閭閻賤隸處
力役之際吟詠不輟蓋因顏謝徐庾之風扇焉

沈立金陵志云其人士習王謝之遺風以文章取功名
者甚衆

祥符圖經曰君子勤禮恭謹小人盡力耕殖性好文學
音辭清舉

顏介曰南方水土柔和其音清舉而切天下之能言唯
金陵與洛下耳

揚萬里曰金陵六朝之故國也有孫仲謀宋武之遺烈
故其俗毅且美有王茂洪謝安石之餘風故其士清以
邁有鍾山石城之形勝長江秦淮之天險故地大而才

傑

時楊為江東
轉運副使

游九言曰每愛金陵士風質厚尚氣前年攝行倖事日
受訴牒不過百餘較劇郡纔十一爾為吏為兵者頗知
自愛少健狡之風工商負販亦罕聞巧偽
時游為安撫司幹官
句容縣志縣在江南卑濕之地火耕水耨民食魚稻以

漁獵山澤為業果蓏羸蛤食物常足故些窳媮生亡千金之家

溧水州志州有山林川澤之饒民勤稼穡魚稻果茹隨給粗足雖無千金之家亦罕凍餒之民信巫鬼重淫祀畏法奉公各守其分安業重遷尤好文學承平時儒風藹然為五邑冠

溧陽州志州介江淞之間其君子篤厚恭謹恬靜自得藝文儒術藹然相尚其細民務本力農淳朴質直類知

畏法名儒勝士避地來寓溧土往往樂其風土而定居
焉王端朝曰是邑有李太白之英風故其人多秀而文

有伍子胥之故迹故其俗多義而勇

陸子適除妖害記云天地之間有至

正之氣為陽剛為醇厚為正直為聰明有至邪之氣為
陰險為浮薄為妖妄為昏愚在昔義畫八卦禹鑄九鼎
孔子作春秋繫周易蓋以翊是正闢是邪也戴圓履方
職自宜然而握禍福之柄於冥冥之中者又可以邪而
紊夫正邪子適誠庸疎不能趨近時好每念天覆吾地
載子隨波同流見義不為真妾婦之道聞古之人有毀
淫祠者有擊蛇妖者有過聖水者心誠慕之及為此來
邑條紊而無統民情惑而未解詳省精索皆以淫邪之
鬼依附假託種類實繁為害孔熾淪入肌髓習熟聞見
牢不可破而致然自夫白雲魔教之滋也而雄据阡陌

豪奪民業樹辛茹毒罔所許理有司一問則羣噪醜賄
白黑淆亂弱下窶乏困於徭征則獨偃然自肆寸綠粒
粟不入公上羣黎邑毗或以赴訴則昧吏驚證反為所
誣根深蒂固歲月滋久民視若禽獸然視法禁無如也
自夫厲鬼妖祀之橫也故時疫洊興民多夭折辟法藥
餌拒絕姻好惟巫覡之是聽不至于斃不已檜斲祝請
禮未究竟而其人已死者有之然且曰是齊潔有未至
誠敬有未孚響答未加威譴是速逝者不可悔生者愈
惑之益致力于神趣死如歸焉意以延生者之命資死
者之福殊狀醜態駭眩愚衆土木於祠藻繪於躬鬼之
部伍各為某疾而肖其證尸而祝者弗止厲而死者日
滋自夫五福殤鬼之暴也而民汨其良心易其天性遜
涕之質盡忘而乖爭之習成俗不吝於死傷而耻於退
懦嘗閱鬪訟而得所以民有私憾不克逞則之神而告
焉其法用雞鴈手刃而刺之血刃而加諸槃水之上鬼
降則刃躍于空乃軟其血而之所欲甘心者雉羽寓鏹

以飾其怒長獻距踔以輔其氣曰吾得請於神矣及枯而致之獄一問無異辭獄成而審之忻然稱不寃及出過通衢長歌有得色自謂死為神之徒民生不幸殆未有甚於此者實陰險浮薄妖妄昏愚之大者也子適曰有我則無汝今奉天子命司民人社稷參鬼何為者亂吾政賊吾赤子較之淫祠蛇妖聖水其害彌甚夫妖從人興妖不自作魔教之妖人之奉鬼者也厲鬼殤鬼之妖鬼之害人者也人之奉其責在人鬼之害其罪在鬼在人者當易其習在鬼者當除其根歲在巳卯先疆域民之習魔教者奪民業則正而歸之不輸賦則均而取之器頑之俗革于一旦黨與之衆散于反掌此所謂易其習也獸貌鬼質自聖僭王侑食土神峻宇高位者撤而去之狼目露肘翹足揮刃呼嘯命侶偃蹇睚眦者碎而空之此所謂除其根也自時厥後賦役得其平疾厲不復作殺傷者幾絕於是邑之獄訴日以清而嚮者心腹膏肓之害一朝盡除然後陽剛醇厚正直聰明之氣

勃然而生矣初子適之正是三者人皆為危之自念身
受之親學稟之師豈可為愚鬼屈及其成也民皆懼曰今
真愛我披雲霾而覩天日阡陌之上罔非良民閭閻之
間化為樂土子適所以粗能信其志於斯邑者蓋基於
此乃記其顛末
庶來者有攷焉

戚氏曰金陵山川渾深土壤平厚在宋建炎中絕城境
為墟來居者多汴洛力能遠遷矩族仕家視東晉至此
又為一變歲時禮節飲食市井負銜謳歌尚傳京城故
事人物敦重質直罕翺巧浮偽庶民尚氣能勞力田遠
賈舊稱陪都大鎮今清要之官內外通選人品論鑒居

東南先士重廉耻不競榮進氣習大率有近中原地當
淮浙之衝談者謂有浙之華而不澆淮之淳而雅於斯
得之矣

至大金陵新志卷八

欽定四庫全書

至大金陵新志卷九

元 張鉉 撰

學校志

洋洋乎禮樂之為教哉其本貫於人之情性其用起於飲食語默閨房閭巷而達於冠昏喪祭宗廟朝廷之上其儀章度數聲容之節則學士大夫世守其說以訓天下後世然古之君人者曷嘗不以身為勸哉詩曰於論

鼓鐘於樂辟雖明文王之學教以樂也又曰敬慎威儀
維民之則明魯侯之類宮教以禮也禮樂明備達於上
下則天地以合日月以明四時以成萬物以昌故君子
之教人於學也使之耳聞雅頌之音目視威儀之禮足
行恭敬之容口言仁義之道則邪僻之心無自而起邪
僻止而習俗美習俗美而王道成矣然而教道隆汙視
時升降秦人廢學校燔詩書不旋踵而亡漢武帝之時
禮壞樂崩書缺有間而能黜百家之言尊六藝之教文

學由是興焉晉都江左歷宋齊梁陳日尋干戈而其衣冠禮樂盛於諸國本之學校之益為多隋唐以降惟宋氏以文治比隆三代其損益尊尚咸可觀考我朝初有中夏首用許文正公開設國學示天下以禮義之端承平百年自公府州縣以及閭巷士民咸得宗祀先聖先師設學以教士習蓋彬彬焉而集慶董以行臺官守恪勤他郡莫及原化理徵文獻作學校志

歷代學制沿革

前志稱泰伯以至德立吳後有季子聖門子游始北學

焉里人也漢史刺史黃霸為揚州三載所至百姓鄉化孝

子弟弟貞婦順孫日已衆多田者讓畔道不拾遺獄亡

重罪吏民鄉教化興行誼何武行部所至先即學宮見

諸生試其誦論問以得失然後入傳舍出記問墾田頃

畝五穀美惡已迺見二千石光武時李忠為丹陽郡太

守起學校習禮容春秋鄉飲選用明經郡中向慕吳主

草昧披攘猶覽書史子籍勸武將讀書呂蒙其臣貴登輔

相猶樂教誨

步

景帝詔置學官首立五經博士

永安元年詔曰

古者建國教學為先所以道世治性為時養器也自建興以來時事多故吏民類以目前趨務去本就末不循古道夫所尚不淳則傷化敗俗其按古置學官立五經博士核取應選加其罷祿科見吏之中及將吏子弟有志好者各令就業一歲課試差其品第加以位賞使見之者樂其榮聞之者羨其舉以敦王化以隆風俗

都江左以來朝臣皆儒雅風流篤厚學益興矣永嘉初

王導上書元帝曰夫風化之本在於正人倫人倫之正存乎設庠序庠序設五教明德禮洽通彝倫攸叙而有耻且格父子兄弟夫婦長幼之序順而君臣之義固矣

方今羽檄交馳國耻未雪忠臣義夫所以扼腕杼心苟
禮儀膠固淳風漸著則化之所感者深而德之所被者
大使帝典闕而復補王綱弛而更張獸心革面饕餮檢
情揖讓而四海服緩帶而天下從得乎其道豈難也哉
故有虞舞干戚而化三苗魯僖作泮宮而服淮夷桓文
之霸皆先教而後戰今若聿遵前典興復道教擇朝之
子弟並入于學選明博脩禮之士而為之師化成俗定
莫尚於斯帝納其言建武初征南軍司戴邈復上疏請

篤道崇儒以勸風化帝從之始立太學江東大饑詔百
官各上封事益州刺史應詹疏曰元康以來賤經尚道
以玄虛宏放為夷達以儒術清儉為鄙俗宜崇獎儒官
以新治化大興三年皇太子釋奠于大學咸康三年國
子祭酒袁瓌太常馮懷以江左寢安請興學校帝從之
立太學於秦淮水南廢丹陽郡城東南徵集生徒而士
夫習尚老莊儒術終不振太元十年尚書令謝石請復
興國學於太廟之南宋元嘉十五年立儒學於北郊命

雷次宗居之明年又命丹陽尹何尚之立玄學著作郎

何承天立史學司徒參軍謝玄立文學

宮苑記儒學在鍾山之麓時人

呼為北學今草堂是也玄學在雞籠山東今棲玄寺側史學文學並在耆闍寺側

二十七年罷

國子學而其地猶名故學齊竟陵王子良開西邸延才

俊遂命為士林館

西邸在雞籠山

梁大同六年於臺城西立士

林館延集學者武帝初好儒術其後尊信佛法講譯內

典而士林輕矣南唐跨有江淮鳩集典墳特置學官濱

秦淮開國子監

今鎮淮橋北御街東舊比較務即其地世俗呼為國子監巷

宋雍熙

中有文宣王廟在府西北三里治城故基天聖七年丞相張士遜出為太守奏徙廟於浮橋東北建府學給田十頃賜書一監景祐中陳執中又徙于府治之東南即今學基建炎兵燬紹興九年葉夢得更造學援西京例奏增置教官一員作重脩府學記見前志淳熙四年劉珙重修慶元二年張栻建閣以奉御書閣下建議道堂稍重釋奠禮儀儲典籍增既廩文風大振淳祐初年別之傑增修學宇六年趙以夫即命教堂更名明德增造

兩廊以妥從祀十年吳淵列祠先賢增學廩創義莊寶祐中馬光祖興學校舉孝廉集周漢以來名賢贊而祠之士氣興焉今學規模率倣前制大成殿在靈星門北戟門內從祀位在兩廊御書閣在明德堂後講堂即今明德堂議道堂在御書閣下齋舍東序三曰守中曰進德曰說禮西序三曰常德曰育材曰興賢祭器庫二一在大成殿前東廊之南一在御書閣東偏公厨在東序後射圃在義莊倉西有亭名繹志後改正巳堂

置經籍

宋天聖中賜監書紹興初賜石經宋末帥閫師儒收置其所藏有御書石經經書史書子書理學書文集圖志類書字書法書醫書書板石刻卷帙以數千計歸附兵火散失蕩無一存詳見前志

增學計

天聖七年始建學朝廷給田十頃其後續有增撥至靖康增至三十八頃五十七畝房廊七十一間及酒坊三

慶歲收錢一千八百二十四貫有奇至紹興二十八年

以秦申王所送錢一萬貫續置到田一千八百九十畝

其後本府又有增撥至于景定田地之所隸者共九千

三百八十畝一角六十步坊場之所隸者三歲入錢二

萬四千餘貫

銅井坊在江寧縣銀林坊鍾山坊皆在溧水縣

蘆場之所隸者二

歲入錢四千三百餘貫

白鷺洲一所計一十五頃三八畝有奇木瓜洲一所計六伯

畝有奇通而計之歲入米三千八百八十餘石菽麥四伯

石錢四萬一千餘貫柴薪絲麻之入不與焉會計有籍

記載有碑皆掌于學提督錢糧則通判東廳之職也

立義莊

義莊創於淳祐辛亥退庵吳淵守建康時也是年四月
府有牒報學其略曰當使昨見四明府學有義莊一所
每年收到租課凡簪纓之後及見在學行供破食職事
生負遇有吉凶於內支給贍助心甚慕之建康府士子
貧窶者多或遇吉凶多闕支用尤可憫念今用錢五十
萬貫回買到制司後湖田七千二百七十八畝三角二

十八步歲收四千三百餘石米麥相半發下本學置簿
椿管如委的簪纓之後及見在學行供職事生員或有
吉凶請具狀經學保明申上給米八石麥七石米每石
折錢三十六貫麥每石折錢二十五貫本年發糶田土
舊租米麥解到價錢一十二萬餘貫發下提督府學錢
糧廳照應拘收自五月為始照規支給仍將後湖所有
地畝步明入籍自本年夏料為始徑自拘催將所催租
課於廣濟倉寄厰椿頓本學養士錢米不相干涉牒學

照應施行仍示士子知悉府學回申八項一欲就本學
空閒地段設倉收椿米麥一欲就學庫旁令夾截一庫
收椿錢會一欲專及土著不及游學之人一欲將到殿
入學赴任人委係貧窶者照吉事例併與周給一欲立
凶禮支助之例惟祖父母自身親兄弟妻子事故者當
給不許以踈為親以無為有妄陳苟得一欲請教授同
正錄直學五負親到倉庫同收同支受人親書交領置
簿登載歲終有會一欲置租課總簿催銷季終有會一

欲將田畝籍冊及義莊始末並刻于石以垂永久五月二十二日府牒並從申行至次年二月又牒勘會本府昨置立義莊如委係簪纓之後及見在學士著行供職事生員貧窶者或有吉凶從府學保明申府給米八石麥七石米每石折錢三十六貫麥每石折錢二十五貫則例雖已立定規模尚未為廣自今月二十六日為始如是他處游學士人見在本學行供或在本府寓居雖非土着如有吉凶併與一例支給兼照得人人申府亦

恐煩瀆今專委西廳通判提督如遇有陳乞之人即請
本學執勘詣實保明明具申提督廳支給牒學施行

設官

教授二員分東廳西廳散官皆從仕迪功文林等郎自
紹興二十八年迄開慶元年有題名記見前志

建書院

明道先生程子

事見程子書
及先賢傳

師濂溪先生周子得孔孟

以來不傳之學於遺經嘗為上元主簿且攝縣事政教

在人思之不忘淳熙初忠肅劉公珙祠先生于學宮朱文公為之紀紹熙間主簿師秀來居其官即聽事西偏繪像祠之嘉定乙亥主簿危和請于太守劉榘於簿廨之東得鈐轄舊廨之地改築新祠部使者西山真德秀捐楮三十萬粟二千斛以助之未幾李公珣來繼劉公咸相其役前護重門中嚴祠像扁其堂曰春風上為樓旁二塾曰主敬曰行恕名其泉曰澤物表其坊曰尊賢既成率郡博士及諸生行舍菜禮自是春秋中丁率為

彛典置堂長及職事負延致好修之士西山嘗記其事
未幾廢為軍儲賓屬之所淳祐己酉二月天大雷電書
閣忽灾郡守吳淵更創之閣視舊益偉下為春風堂聘
名儒以為長招志士以共學廣齋序增廩稍倣白鹿洞
規以程課講士趨者衆理宗聞而嘉之親書明道書院
四大字為額與四書院等寶祐丙辰郡守馬光祖得西
山斷碑於瓦礫中重刻之開慶己未率僚屬會講于春
風堂聽講之士數百乃屬山長修程子書刻梓以授諸

生給田增廩而教養之事備焉祠堂居中三間廣四丈深三丈中設塑像榜曰河南伯程純公之祠東西兩廊各一十五間御書閣在春風堂之上五間廣八丈深四丈五藏御書經籍春風堂在祠堂後七間廣十丈深五丈取朱公挾見明道先生謂人曰春風中坐了一月之語燕居堂在主敬堂後尚志齋三間在主敬堂前東序南明善齋三間在主敬堂前西序南敏行齋三間在主敬堂前東序北成德齋三間在主敬堂前西序北續添

省身齋在春風堂前左養心齋在春風堂前右大門屋
三間廣四丈四尺深一丈八尺左右設柅繚以垣墻帥

府累政撥到田產四千九百八畝三角三十步

上元縣徐提舉

等三戶佃田七十三畝又三十八畝地二十一畝一角

江寧縣邵仁等一十戶佃田七十七畝三十八步畝容

縣戴自德等四十一戶佃田三百八十六畝二角四十

三步地一十六畝一角二十五步雜產二十六畝二角

二十步溧水縣平登仕等一十四戶佃田三千伍佰四

十二畝四十七步溧陽縣楊省四等一十八戶佃田產

四百九十二畝歲入米一千二百六十九石有奇稻三千

畝三十八步

六佰六十二石菽麥一百一十餘石折租錢一百一十

貫七伯文又有白地房廊錢

常州宜興縣管下房賃歲
叔見錢八十闕貫九伯文

足王監場獻到白地房廊三頃右南廂丫頭巷北街白
地賃錢官減外日收一貫一百四十文足崇道橋南馬
司寨前白地賃錢官減外日收四百二十五文省係七
十陌雞行街魚市街蘿行口房廊賃錢官減外日收二
百六十文足 本府每月撥下贍士支遣錢五千貫十七界官

會并蘆柴四十束凡錢糧官掌其出納所支供奉有差

歲終有會

月俸山長一百貫錢糧官二十貫堂長一百
貫米二石堂錄六十貫米一石五斗講書五

十貫米一石五斗堂賓二十六貫米一石二斗直學二
十四貫米一石二斗講賓一十七貫米一石二斗司計
一十二貫米一石二斗掌書一十五貫米一石二斗掌
祠一十四貫米一石二斗齋長一十貫米一石正供生

員每名五貫醫諭米七斗日供職事生負米二升五合
造食錢三伯文山堂長貼食錢七百元堂錄講書貼食
錢五百文堂賓至齋長貼食錢二百文照親書食簿支
送不行供者不支宿齋職事生員每夜支油錢二百文
堂長堂錄講書每夜支油二兩不宿齋者不支寒月送
炭自十月初一日為始至正月終住支行食宿齋者全
支不宿齋者半支凡支錢並用十
八界官會凡支米並用文思斛斗官設山長制置司幕

官兼後始朝除南軒書院祠南軒先生張栻本設精舍

後移城東為今書院

淳祐三年杜杲記曰天禧寺側屋六七楹曰南軒實先生講習之地

日就傾圮甚至春時為游宴之所杲昨在江淮幕下猶
局開空闕心竊念之告之長而莫之聽茲冒閭事比至
不可舉目於是治葺之繪像於中礲石琢詞云景定志
天禧寺方丈後張宣公讀書處也真文忠公為轉運使

建祠屋於舊址其後總領所以為權酌之場知府杜杲為屋六七楹撥田百畝為祀事咸淳中馬光祖建一堂求仁任道明理潛心四齋極高明樓為屋九十二間闢路前除命兩校朔望虔謁又撥田四十畝入馬歸附後移於城東儀賓館在明道書院西南

茅山書院

按慶元志天聖二年知府王隨奏處士侯仲遺於茅山營葺書院教授生徒積十餘年自

營糧食望於茅山齋糧所剩莊田內給三頃充書院膽用從之事見垂拱元龜後不詳何年廢今額在鎮江路

置縣學

上元縣學在縣治西景定二年鍾知縣蜚英建梁椅撰

記

江寧縣學在縣治北景定四年王知縣鏜創建楊巽撰
記

句容縣學始建於唐開元十一年在縣衙東宋開寶中
修皇祐二年七月太常博士方峻再建元豐二年以縣
南館驛改造紹興壬申淳熙己亥重脩寶慶丙戌易民
地築墻垣左右疏池寶慶丁亥建濂溪明道伊川三先
生祠與石刻亭對有劉宰記

溧水縣學唐武德元年建至聖文宣王廟在縣東三十

步宋熙寧二年知縣關杞遷於通濟橋東南建為學紹興八年重脩大成殿并建講堂齋舍三十年重脩隆興二年知縣李衡增負養士淳熙十三年冬重建講堂十四年夏重修兩廡紹定二年增建尊道堂於命教堂後嘉熙四年建小學於戟門右淳祐五年重修大成殿六年又創釣鰲亭於尊道堂後臨淮水七年三月重建戟門及靈星門東西兩廡十二年建齋舍一十二間寶祐元年重修命教尊道二堂創學廩於西廡改命教堂榜

曰明倫景定元年重修大成殿及東西兩廡作亭于靈
星門外取易臨卦象傳辭榜曰教思前後縣大夫皆以
興學為務故溧水文風最盛貢舉為多有周應合記

溧陽縣學後漢光和中溧陽長潘乾嘗立校官其碑銘

尚班班可讀紹興中喻仲遠尉溧水得此碑於固城湖

之傍

湖在今溧水州界

其地在當時必縣治也唐有縣令柳均

興學校養生徒其事見于斷碑淳化五年縣令夏侯戩

建宣聖廟於縣西門外

其地即今西門內廣惠行祠

皇祐四年知縣

查宗閔移學於縣城東南隅崇寧中增廣齋舍於學前
即高為堂曰挹秀大觀三年建閣曰折桂建炎末潰兵
撒屋為營唯餘大成殿紹興十八年知縣施祐因舊基
興創二十年重加葺治嘉泰中重修仍建待聘軒於德
化堂之後嘉定初建濂溪明道伊川龜山四先生祠及
靈星門有興能觀光尚志麗澤四齋十三年知縣陸子
適重修齋廡甃堦庭立楊忠襄公祠堂增置祭器書籍
及學廩改造庖福學前臨溪創闢射圃養士之計時有

增益

各縣主學景定三年始設以特奏名授文學出官者充其祿同主簿尉班在主簿尉下主簿尉非正科則下主

學

以上詳見前志

祀先賢

祠堂四所在府學與祀者二十六人

濂溪先生周文公

明道先生程純公

伊川先生程正公

晦庵先生朱文公

右四先生在大成殿東

丞相范忠宣公

丞相呂文穆公

一拂先生鄭介公

通判楊忠襄公

丞相周文忠公

南軒先生張宣公

勉齋先生黃文肅公

壹是先生吳正肅公

西山先生真文忠公

右九位在大成殿西

太師魯國顏公

丞相李文定公

中書傅獻簡公

少保馬忠肅公

樞密包孝肅公

尚書張忠定公

右六位在明德堂東

丞相趙忠簡公

丞相張忠獻公

丞相呂忠穆公

丞相陳正獻公

尚書黃公

樞密忠肅劉公

樞密邱公

右七位在明德堂西

舊志府學祠堂初惟二所東祠明道先生蓋為道學之宗而嘗主上元簿也西祠忠襄楊公蓋嘗為建康倅而死節建炎者也淳祐中增立諸祠臨邛魏了翁有忠襄揚公祠記

先賢祠堂一所在府學之東明道書院之西青溪之上馬光祖建立自周漢而下與祀者四十一人各有讚

至德讓王吳太伯

初逃句
曲山中

越相國范蠡

築越城在
長干里

漢嚴先生子陵

名光結廬
深水縣

漢丞相忠武侯諸葛孔明

名亮往來說吳
又勸孫權定都

吳輔吳將軍婁文侯張子布

名昭宅在長干
道北有張侯橋

吳將軍南郡太守周公瑾

名瑜周郎橋
在句容縣

吳侍中尚書僕射是子羽

名儀宅在
西明門

晉太保睢陵元公王休徵

名祥墓在江
寧化成寺北

晉平西將軍孝侯周子隱

名震子隱墓
在鹿苑寺

晉太傅丞相始興文獻公王茂弘

名導宅在
烏衣巷

晉太尉大司馬長沙桓公陶士行

名侃事見石頭城

晉侍中驃騎將軍忠真公下望之

名壺廟在冶城南

晉太傅廬陵文靖公謝安石

名安宅在烏衣巷口

晉車騎將軍獻武公謝幼度

名玄別墅在土山下

晉右將軍會稽內史王逸少

名羲之事見冶城樓

晉中領軍光祿大夫吳處默

名隱之茅屋故基在城東

宋徵君雷仲倫

名次宗開館雞籠山號北學

齊真簡先生劉子珪

名璉居檀橋

齊諸王侍讀陶通明

名弘景
居茅山

梁昭明太子蕭德施

名統書臺在
定林寺後

唐太師刑部尚書魯公顏清臣

名真卿昇
州刺史

唐翰林供奉李太白

名白往來金
陵具載本集

唐山南西道節度參謀孟東野

名郊栗
陽尉

南唐司徒致仕李致堯

名建勳賜
號鍾山翁

太師徽國文公朱元晦

名熹淳熙除
江東轉運

南唐內史舍人潘佑

見江
南錄

樞密使濟陽武惠王曹國華

名彬開寶昇州行營統帥

尚書忠定公張復之

名詠祥符知昇州再任

中丞恭惠公李幼幾

名及淳化昇州觀察推官

樞密孝肅公包希仁

名拯天聖知江寧府

丞相忠宣公范堯夫

名純仁治平江東運判

宗正寺丞純公程伯淳

名顯嘉祐上元主簿

監安上門鄭介夫

名俠清涼寺有祠

少師龍圖學士文靖公楊中立

名時嘗家溧陽

參政莊簡公李泰發

名光紹興
宣撫使

太師丞相魏國忠獻公張德遠

名浚紹興
留守都督

秘閣忠襄公楊希稷

名邦又建炎知
梁陽縣遷通判

太師丞相雍國忠肅公虞彬文

名允文紹興
督府參謀

安撫殿撰宣公張敬夫

名拭督府
機宜文字

太師正肅公吳勝之

名柔勝生
於金陵

太師參政文忠公真希元

名德秀嘉定
江東運使

右祠有周應合作記

按閩士陳宗上制置姚希得書畧
云宗支郡底僚濫叨幕議日過闕

適值制幕諸文以乞修飾卞祠為請宗謂此旌表往賢以激勵今士也卞晉人也其死節固有可稱者然已有祠矣修不修未害也本朝蘇文忠公其雄文博學廉行直節為今古所宗其他言動靡不秀拔藝能靡不絕出青溪祠先賢凡四十一人皆以其生於斯任於斯居且游於斯者乃獨捨文忠而不祠焉斯非一大闕典乎我橋翁制使先生夙弭憲節實蒞贛城為文忠特創祠于贛亦以文忠歸自鯨波夷猶二水賸言懷之精爽如在於是脩梁巍棟峻閣深堂以奉文忠廟貌洒掃有卒職掌有士至今過者儼焉如見遂以此祠併為先生之憩棠今斯事之闕固在前人而補闕之機則在今日此一段公案何以異於贛祠先生憮然曰前人之闕乎此者豈亦不知文忠之游於斯邪子宜搜其往迹成此佳話正恐缺不止是也宗拜而退退而尋諸篋中則僅有文忠詩焉見文忠在金陵為詩凡十有五篇其一篇序曰去歲九月二十七日至黃州生子名遯小名幹兒頎然

穎異至今年七月二十八日病亡於金陵作二詩哭之
又四絕句則曰次荆公韻未一篇則曰同王勝之游蔣
山其它次葉致遠韻釋者曰致遠投東坡詩正從介甫
於金陵也次裴維甫韻釋者曰維甫解石於秣陵也次
段縫韻釋者曰縫家居金陵也不特此也紹興元年又
至金陵得鍾山泉公書寄詩為謝并贈和老詩又不特
此也建中靖國元年公還自海又至金陵又次韻清涼
寺詩此則文忠經行金陵吟詠之最著也邵子文聞見
記錄一事朱晦能載於文忠言行曰王介甫與蘇子瞻
初無隙呂惠卿忌子瞻才高輒問之中丞李定亦介甫
客也不服母喪子瞻以為不孝作詩詆之定以為恨劾
子瞻作詩謗訕遂下御史獄謫居黃州後移汝州過金
陵見介甫甚歎子瞻曰軾欲有言於公介甫色動意子
瞻辯前日事也子瞻曰軾所言者天下事也介甫色定
曰姑言之子瞻曰大兵大獄漢唐滅亡之兆祖宗以仁
厚治天下正欲革此今西方用兵連年不解東南數起

大獄公獨無一言以救之乎介甫舉手兩指示子瞻曰
二事皆惠卿啓之安石在外安敢言子瞻曰固也然在
朝則言在外則不言事君之常禮耳上所以待公者非
常禮公所以事上者豈可以常禮乎介甫厲聲曰安石
須說此文忠經行金陵事迹之最偉者也其題長短句
於賞心亭著觀音頌於崇因寺至今碑刻人多摹之此
則文忠經行金陵墨蹟之尚存者也而闕之可乎文忠
懷歐陽文忠之詩曰先生經行處草木皆可敬在今亦
當云然安有祠諸賢而不祠文忠者乎亦當時區處祠
事者之偶遺耳或者曰建康志亦載邵子文聞見錄矣
宗曰公於元豐三年正月謫黃七年二月移汝由汝移
至金陵今志載是事於元豐三年則是當時秉筆之士
猶且於此疑惑其不知文忠之游金陵可知也非有意
闕而不書也猶幸是祠初定為四十二人欲祠前制使
馬裕齋之大父野亭裕齋曰野亭自有祠于漕司矣此
不必列賢哉是言可以觀君子之所存矣天其或者蓋

將補文忠之闕於今乎亦當時議者之說雖沮於裕齋
猶曰今祠位尚虛其一後之君子當有列野亭於北祠
以備其闕者吁夫亦漫言耳後之君子亦惟有成裕齋
之美而行裕齋之言耳今欲鉤慈行下有司徑以此祠
居文忠之像以世代之先後定時賢位次文忠與程純
公同時純公亡在元豐八年行年五十二時文忠方年
五十小純公二歲合在純公之次中間鄭介公亦當時
人年事粹難契勘但介公係文忠門生官亦甚小則文
忠合在介公之上至如洵剛奉祠廡有典故非底闕之
所敢僭而文忠之讚非先生之大手筆則無以發明而
振舉也宗為太學生與陳宜中黃鏞劉黻等攻史嵩之
丁大全被斥丁敗後登第擢制司幕官故有是書云

轉運司有丞相忠宣范公祠參政文忠真公祠

顏魯公祠

在句容縣

一拂先生鄭介公祠

讀書清涼寺登第詆新法被謫還鄉所存惟一拂耳

南軒先生祠

在天禧寺方丈後先生舊讀書處也

忠肅劉公祠

淳熙二年大旱劉公珙賑濟有方五縣令共繪像祠之於蔣山東廡

馬莊敏公祠

一在城隍廟東廡一在報恩光孝觀東廡今存市西水西門東歡廟青溪上四祠並

廢

歷代貢士

貢額

晉元帝初制揚州歲舉二人

宋制丹楊郡歲舉二人

隋制蔣州歲貢三人

唐制昇州歲貢三人

有才能者
無常數

宋中興初建康府解額一十名紹興二十六年增作一
十一名端平元年特增兩名共以一十三名為額

貢院

建康府貢院在青溪南秦淮北即蔡侍郎寬夫宅舊址乾道
四年留守史正志建紹熙三年留守余端禮修廣嘉定十六

年端禮之子傑為守撤而新之陳天麟楊萬里嘗為記

轉運司貢院舊皆寓試僧寺嘉定九年真文忠公德秀

始建貢院于青溪西

是歲習庵陳頊首薦潛聞明年為禮部進士第一

進士題名自慶歷二年張識至開慶元年平天祐凡一

百一十六人李琮余臬李回段拂秦檜

闕

良臣巫

伋吳淵吳偕等皆詳見前志

宗學校

路學

闕

定制路府州縣正官提調學校路學設教授一員

主管錢糧教育等事教授學正學錄各一員主提調課

講糾正學務大學小學分齋視錢糧多寡禮請教導訓

誨生徒又設正學職負人吏分掌出納錢穀禮器文籍

建康路自至元十二年歸附因前宋府學差官主教尋

設教授又設江東道儒學提舉司

居前宋教授東廳今為倉及學錄廳西廳

為教授廳學正所居即宋射圃提舉司沿革見前官守志

至元三十一年詔學校

之設所以作成人材仰各處正官教官欽依先皇帝已

降聖旨主領敦勸嚴加訓誨務要成材以備擢用仍仰中書省議行貢舉之法其無學田去處量撥荒閒地土給贍生徒所司常與存恤大德四年秋八月廟學災惟尊經閣及二教授廳存五年行臺大夫徹爾公首與僚屬謀勸諭巨姓出私錢創建正殿郡人王進德獨建講堂七年總管陳元凱府判百壽推官韓居仁高仁與教授趙由暉協力節費重構周圍廊廡齋舍先賢祠教官直舍倉庫庖湍內外一新復置大成樂器行臺監察御

史楊演撰記

建業襟江淮帶湖海自六代為都邑民物浩繁人材輩出寔士林之淵藪也越至元

乙亥皇元渡江平宋四海混一欽惟聖天子體道御曆以人文化天下屢頒明詔崇資孔祀興學養士太平之風超越前皇大德庚子秋八月廟宇火惟尊經閣僅存其經籍脫灰燼之厄斯文未喪天實相之明年春行臺御史大夫徹爾公憫學校之焚燬慨然謂僚屬言茲風化之本源我輩職宣風化不致力興復可乎乃勸諭巨姓出私錢代公帑勅建正殿郡人王進德即嚮風慕義以構講室府推韓居仁圖其規制指授面畫極其輪奐餘役有所未遑逮癸卯總管陳侯元凱下車以身任之適文儒趙由暉來主教席遂同志協謀節浮費傾學廩所屬賢大夫士咸叶力以助鳩工庀役土木偕作府判百壽推官高仁治事之暇親董其役由暉究心經度朝斯夕斯僅再闕歲而厥功告成有廊廡以繪賢像有齋序以居生徒先賢之享堂教官之直廬下逮齋庖舍

戶牖楹楯丹雘影施靡不完具經閣頽圮易舊以新山
出雲飛軒然聳於烟霄之表為郡中傑觀又置大成樂
儒生肄習春秋釋奠衣冠整肅禮容可觀延耆儒講書
訓誨諸生執經問義彬彬焉有洙泗之風矣一日郡士
來請于僚友郝君李文李君蕃合計來言曰朔望拜謁載
瞻廟貌悉增舊觀非他郡所能比再造之勤願有述以
勵方來三辭而請復至竊惟吾夫子綱常之道載在方
冊見諸日用不越乎君臣父子兄弟夫婦朋友五者而
已古之為學非獨玩空言以干世取祿惟躬行力踐勉
勉循循以求進德之地所以欲平天下者先治其國欲
治其國者先齊其家欲齊其家者先脩其身且夫一畝
之宮環堵之室一有敝陋則修之唯恐弗亟豈特宮墻
為然哉今類宮修矣吾二三子來游來歌道存目擊反
求諸身盍思亦有未脩者乎於是貌仞墻之崇峻則思
斯道之尊嚴觀經閣之富盛則思移在閣之經在腹移
在腹之經在日用聞金石之鏗鏘則思一言一行有條

有理如律呂之合節如是則不惟式副聖上樂育之心抑亦不負臺察勉勵之意凡在門墻其以是相諭廟之興廢始末備載金陵志中茲不復書大德乙巳良月朔記

至大二年廉訪使盧摯撰

重修孔子廟碑

文云上元年詔以興學作士為王政先務申飭郡縣甚至二年秋八月建康孔

子廟成校官文學先生羣諸生相與言曰吾州都會六代自國淮江之南學遂為首善之地故宋播浙茲維陪都其守臣把留鑰制閫外其選必儒有重望故具昇校規制雄整肩于成均殆甲東南學燬一旦迨復已十閱歲其燬其復吾輩所戚所欣吾道所關也不辭諸珉以詔來者可乎其毀大德四年閏八月其復始庚子者見監察御史楊君演記始已酉者臺憲御史大夫公霍彌勅中丞廉公及其僚佐屬官董其役者路之治中梁普華右其事為書檄士子掾文學江寧貢師仁來宣有請於退使涿郡盧摯校成矣宇士者備矣養士者具矣公有以

教之振吾昇校也夫孔子之道如日月之照亘古今萬世莫不戴其明以行於世固不以棟宇崇庫加損今夫衆君子所以肫肫於予者豈不以崇孔祠為增國家右文之光懿臺臣郡守重道之志也遂作詩俾昇之士息游歌之以金玉弦誦之勤庶幾有所感起報答莞風尚者樂育之意其詩曰孰昇于穹夫子之宮孰毀于昔而復于今崇基有嚴植綱斯邦維構斯隆既翼其居廼辟其爰工于址于棟維宇斯替維構斯隆既翼其居廼辟其容曰章曰縫廼粒廼饗廼藝鉛輒廼聲笙鏞繇條集成始玉金終廼洋聖謨以鋪德音士習維羽而校斯林或蜚而冥或喙于陽或采其翰而儀其翔之習之印而賓于王士式臺菜而榘而楠于焉度之以柱明堂昇校之

光昇士
毋忘

先是學燬祭器存者十不二三是年造完監察

御史劉泰記之

夫先王之立禮也有本有文忠信禮之本也義理禮之文也本以主乎中而不

敢懈文以著乎外而不可闕所謂無本不立無文不行也矧器數制度莫不起於時之宜事之當而有以成施於祭祀必盡已以實內外一致方能感格斯五禮中尤為難者其本與文一或有闕致誠亦不至雖勉卒事不陷於如不祭者幾希是故擴忠信義理於齋莊恭敬拜起坐立儀不少愆者亦本之所以立也簠簋豆行列有數物不少差者亦文之所以行也故曰器有一之不備則禮有一之不行是以本既立矣文既行矣內外交盡不虛矣明則人物懷其仁幽則鬼神饗其德必至乎是則祀事孔明庶無悔矣建康為江南名郡又臺察泣馬廟貌巋然學校修整祀器燬于大德壬寅之火存者十不二三若弗補完是文不行於外而內雖有本安得獨立耶我堂堂聖元大興文治加封孔子報德報功禮隆丁祀有司奉行固不敢不致如在之誠然而黍稷之馨弗實于簠簋水土之品弗登于豆籩雖曰明德惟馨亦奚指彼以明此哉於是臺察上下議論僉同遂命提

學官本路治中額森布哈購銅訪得冶金之攬工者仍俾董其役既成形製高古凡三閱月而功畢衅於至大已酉之良月以數計之一千八十二可謂大備矣噫器之未具也棗盛庶品一或不登無以表其明德今器既具矣庶品既登矣誠或不足於有事之際雖黍稷之馨神亦不饗所謂誠為實禮為虛也有事于豆籩者可不謹乎校官游鄭良學正方機學錄劉應參

皇慶二年儒

學錄胡助重撰祭器記

始建康學鑄祭器若干以為大備御史劉公奉為之記會教授

張君拱辰至有事于上丁陳其簠簋尊豆壘爵不合儀式顏猶有闕者退謀之提學官治中梁侯額森布哈曰吾嘗不滿于是君意雅合弗可以弗完爰稟憲臺復購銅召舊匠開冶命學正賈君汝霖董其役凡三月畢工教授俾助以數其書于石庶來者有考焉按簠二副簋一副爵二十一拈五十有七此南唐舊物僅存者爾山

尊二若尊二大尊二壺尊六象尊六犧尊六壘洗三副
龍杓一十三帖八十有二爵一百舟九豆一百七十有
四副簋一百二十有二簋如簋之數而加一馬大爐二
大鏡四此前鑄之目劉公所記者也壘洗一龍杓一爵
十小爐二十有五豆一百舟九此後鑄之目舊新後先
摠以件計一千四百一十有八器至是而始備惟張君
主席三年以教以養以興以補臺評士論翕然稱之若
他役倍是不書而獨書祭器者尊禮也可謂知所重矣
助之不取不書以是
夫皇慶二年春記 至治二年教授湯彌昌復取沙洲

鄉學田有記

建康郡學宋紹興間秦丞相以已贖買江
寧縣沙州鄉黃魚莊等處蘆地十有五頃

畀鄉校具載碑籍至元十三年後開田百頃有奇十八
年營田司以田撥隸財賦府僅以地四頃七十一畝二
分歸于學三十一年權豪占佃開四頃為田其後經理
丈量羨田四十畝地三十畝凡為田四頃四十畝地一

頃一畝二分奄據租入二十有七稔彌昌備負掌教詢
知有司文移不輟明為學庶遂建白于行臺洎察院於
是路縣叅考文案擬斷歸學至治元年二月省札准斷
郡俾縣主簿朱端卿偕彌昌履畝交業而田始來歸從
行者直學謝慶德知書王夢桂縣吏郭滋府給文據公
堂掌之以相授受始末脩著文卷佃者歲納田米七十
九石有奇地租錢二十五貫自元年始然非定額有願
增租者佃可易歟惟學事因循弗舉豈特斯田哉明年
夏四月作亭以覆玉兔泉閏五月新創靈星三門煥然
改觀此皆職所當為而前人憚事難役鉅彌昌勉為之
賴臺察宗主力克有成謹識形石田圖四學計租入視
至佃名刻之下方至治二年良月日記

宋增損不同

田土總一萬八百五十九畝四十六步四分六厘二毫五絲水濟二十二條田一萬

六千九百六十畝四十七步九分四厘九毫五絲地二
千六百一十畝二角二十二步五分五絲山二百一十

七畝二角一十六步蘆地八百四十九畝一角墾四十
五畝五十闊步塘一百五十四畝一角三十三步七分
六厘二毫五絲雜屋二十一畝一十步水池一角一十
八步水塌二角二十六步房屋七十四間三厦七溜白
地八十七段糧斛總五千二百三十五石六斗二升九
合五抄米四千五十三石三斗四升三合七勺五抄小
麥一千一百一十四石七升四合七勺大麥二十七石
四斗七升七合一勺黃豆三十七石一斗五升一合五
勺蕎麥三石五斗八升二合至元鈔總八定二十九兩
四錢一分六厘租錢一定三十七兩四錢四分房錢六
定四十一兩九錢七分六厘絲一十二兩
四錢九分八厘山柴六十七束蘆三百束
科舉興以貢
士莊田糧積貯待發大晟樂器設掌樂主之惟春秋二
丁釋奠則用書籍則景定志所云賜書板刻買置者兵

火散失殆盡歸附後於諸路裒集及捐學計續刊設職

收掌所買經史子集圖志諸書視他郡亦略全備

十七
史書

板計紙二萬三千張史記一千八百一十九前漢二千
七百七十五後漢二千二百六十六三國志一千二百
九十六晉書二千九百六十五南史一千七百七十三
北史二千七百二十一隋書一千七百三十二唐書四
千九百八十一五代史七百七十三雜書板金陵志四
百八十貞觀政要書二百朱子讀書法一百七十南唐
書一百八十禮部玉篇二百七十集慶志一百三十五
脩辭衡鑑五十六農桑撮要五十八救荒活民書一百
五十曹文貞公詩集二百八十五憲臺通紀五百一十
五陳子廡先生詩二十魯齋先生詩解大學一十九樂
府詩集一千三百八十厚德
錄六十刑統賦六十有三
廟學時有闕壞隨事修補

無大更易六齋延訓導六員大學四

常德守中
育材進德

小學二

興賢
說禮

生徒常二百人設賓序負瞻卹貧寒老病之士鄉

貢進士於學教遣朔望祀享行臺官躬視禮儀監察御
史時至勉勵公御大夫居江左者率遣子弟就學今仕
為名臣者多集慶弟子負於戲盛矣

建設書院

明道書院仍宋舊規無所更易南軒書院遷舊儀賓館
地基大德元年初蓋南軒先生華陽伯張宣公祠堂江

東書院在城內永安坊鹽倉街至治元年五月郡人王進德勅建子霖又為營度廟屋通六十餘間地臨秦淮南竹木脩茂置田溧陽九百畝供贍生徒前翰林學士草廬吳公嘗於其中講授羣士往從受業甚衆泰定元年定今額又有昭文書院在湖熟鎮北有臺高十餘丈下臨秦淮亦名太子臺舊傳梁昭明太子宴游之所景定志太子臺下東橋之東有太子東湖昭明嘗植蓮其中臺上有昭明像宋咸淳丁卯方拱辰扁曰昭文精舍

里人杜氏守之至元間定今額凡書院皆省設山長掌錢糧教育與路州學皆有府設直學贊焉

州縣學校

江南歸附初各縣學仍設主學尋令所屬行省宣慰司差注教諭掌錢糧教育江寧縣學殿宇田糧皆仍宋舊上元縣學後至元五年縣尹田賢重修進士李桓有記

郡城之東偏闕

入數十闕

沅之

象北直平疇連街無際闕

深曠遠不翅

乎林壑坳牧之居者會闕

之舊址而上元邑學之

所建也考其闕

百年矣蓋當宋氏之既南郡為

大藩閫帥臨視學政之脩致隆於郡而在邑則否迨其
季年公闕蜚英之為令昉為之經始顧已迫於國勝之
槍攘故制特綿蕞而完美之功有不暇焉者混一之久
莫之能如則以帑庾之弗贏緝弊支危僅以自守一旦
更張而為之也實難嗚呼治邑者有能匹休前人以俎豆
為事因其故而損益之亦何難之有至元五年歲在己
卯大名田侯來尹是邑職專于學觀其廢闕懼無以副
國家設學之意亟以請于邑長曰其責在余圖之惟時
謂禮器之具所宜先焉則冶銅為爵坩四十為簠簋十
有八為勺二為鍾一行為籩者三十為篚者五木為俎
者二十以補其未備若豆若尊若壘洗炷熏之有彘植
燭之有檠灌頤之有壺舉易其鏤鑿朽窳而新之而凡
器用之闕 給繼之以廟學之葺則擴禮殿之基左
右闕 以立十哲之闕作靈星門修戟門之腐闕堂
及二序皆賁治之改築成已軒敞其後為闕楹構連檐
以徹于堂而凡棟宇之壞無不飭闕後峙華表于門外

飛石梁於水次列柵以為闕周垣以為蔽繪門弟子暨先儒之像於繡素以更圖屏之舊而凡盡飾增嚴為經久之計者實無不用其極內外相侔功倍于厥初來觀翕然感斯文之作興跂望朝夕思服善教昔之大儒當佐斯邑化俗之美流于亡窮侯之為是舉也其可以無愧與大學為政本先聖王之所勤修而吏率慢焉世降殷周治不古若職是之由自侯之至究心於民夙夜弗怠邑之庶務咸得其理訟獄既清忙俗以安敏惠廉明著于一時故上元之政為屬邑最今又能達其本而崇禮義之化使民有所觀法益可尚也藉非具列闕何

以勸來者闕

長曰闕

曰闕贊闕

簿李良

臣教諭湯駿典史朱輝承命謹而用力勞者邑掾陳闕也金石土木之工合九百三十有奇費之出於田侯者為錢五千緡是皆不可畧也附記於碑而為之記

白容縣學頗廢於兵火至元三十年縣令烏延瑛創屋

三間扁曰芳潤至大二年縣尹趙靖撤舊重建繼以縣
尹程恭延聘名士訓誨生徒遠近嚮慕邑民獻地增廣
學宮設唐劉鄴張常洵二祠於講堂西後至元三年刻
累朝封號綸音於石置禮器雅樂繪兩廡從祀至正二
年建屋于中堂後扁曰止善監縣尹閻縣尹李允中李

博教諭劉德秀等實綱紀焉學計悉有常數

江寧縣學田一十二

頃七十五畝有奇上元縣學基地縱橫三十丈學田山
地水潭通計一十一百二十一畝二角三十三步額租
外荒地逐時開墾畝容縣學基一十九畝六分一厘田
一十六頃一十八畝七分一厘地一頃六十二畝四分

一厘山五頃五十七畝三分一厘塘五畝六分四厘夏租小麥八十二石六斗三升大麥一十四石三斗八升八合中統鈔五定三十四兩七錢八分秋租米二百二十六石五斗三升七合黃豆一十六石八斗七升三合中統鈔五定三十四兩七錢八分秋租米二百二十六石五斗三升七合黃豆一十六石八斗七升三合

詳見縣志

溧水州歸附初為縣設主學教諭元貞元年陞州設教授二年知州儀武義教授劉建行豎建大成殿及神庖

修理學舍一新易明倫堂扁曰闕易四齋扁曰篤實

自得明理觀善鑄祭器闕元年同知倪顛教授陳瑞

究復蒲塘渡有記闕年以教思亭為闕亭立加封碑

延祐四年繪從祀像泰定三年闕臺劄准監察御史順

昌承德言增加田賦置冊立碑至元元年知州李衡教

授宋昇重建明德尊道二堂修殿及兩廡增設訓導生

徒加舊其學計見於碑刻舊額田土田三十四頃六十

四畝七分二厘山九十五畝五分河渡一所房屋一十

四間隨屋地基租課糙粳米七百二十四石七斗八升

七合小麥六十一石三斗六升三合私稻八百三十四

斤黃豆一石一斗絲一十七兩二錢中統鈔七定一十

六兩二錢二分新增田土田八十五畝四分九厘地五

十六畝三分山二十七畝五分墾地一十一畝七分九

厘蘆墩二畝五分房屋三間半零一履隨屋地基及帶

屋小巷一條租課糙粳米二百七十五石七斗四升九

合五勺小麥二十一石六斗五升五合黃豆一斗
六升五合絲六錢中統鈔一十一定八兩六錢三
分
并書板詳見本州志

溧陽州歸附初為縣設主學教諭元貞元年陞州
即以前宋縣學改為州學設教授大德五年教授
班惟志修學宮建齋舍東曰養正麗澤西曰明德
藻德設小學齋增學田三百八十餘石卞應午記
之大德十一年改創大成殿至治元年教授孔濤
置雅闕建講堂及先賢祠校官廨舍規模有加於

舊其學計徵於官者

租糧百米二千闕百二十三石四斗六升三合貢士莊四

百五十五石二斗六升五合
五十七石三斗九升八合
合膳學一千九百
租鈔一十九定
詳見

本州志

科第進士

延祐四年丁巳溧水州人劉泳江浙省鄉試第二十名

明年會試下第

延祐七年庚申溧陽州人李士良江浙省第六名明年

會試中選殿試第三甲同進士出身受將仕郎紹興路

餘姚州判官

至治三年癸亥郡人李桓江浙省第二十七名明年會試下第恩例受餘干州教授

大厯二年己巳郡人李懋江浙省第十六名明年會試中選殿試第二甲同進士出身受將仕郎饒州路陽

縣丞

儒籍

路學抄數儒人一百六十五戶明道南軒書院上元江

寧縣學各有儒籍至元十二年乙亥正月制置趙潛弃
城宵遁徐都統等率軍民納款二月二十七日大軍入
城平章阿珠占居明道書院軍士舁弃聖像野中書院
儒人古之學等詣丞相淮安王前告給榜文還復書院
房屋租產招安秀才當奉鈞旨令書院依例復舊由是
諸學弦誦不輟至元二十八年南方儒人有德行文章
政事可取者許各路歲舉一人量材錄用元貞元年諸
路凡儒知吏事吏通經術性行脩謹者各路薦舉廉訪

司試選每道歲貢二人省臺委官立法考試中式錄用
大德十一年係籍儒戶雜泛差役並行蠲免至大二年
儒人免差延祐元年設科取士儒風大振其明年再
詔隸籍在學儒人毋得非禮科役煩擾是後有司奉行
不至儒者雜於編戶癸酉科後停試惠宗皇帝元統二
年特降聖旨儒戶免差有德行學問者選充教官至正
關年復行科舉取士法所以作養多士者至矣關慶儒
戶多前代故家宋末進士有包秀實國華陳仲謀吳季

申皆以文章政事名世其後衰微不可考知今可見者

董烈

宋相文清公槐之後累官朝奉大夫知池州

房元龍

宋進士承議郎懷遠軍節度判官

李盥

宋太師襄國公琮之後進士累官承直郎制司幹官沿江屯田分司

王良耜

宋相荆國文公

安石之後貢士累受沿江制司幹官

趙崇田

宋進士累官通直郎知建康府句容縣

楊公溥

宋待補進士

戴俊卿謝克仁

皆宋貢士

歸附後子孫相繼以科第

儒術仕進顯榮其家所謂君子之澤久而不泯者亦朝

家崇儒興學之效也

曹盥溧水後志載朱處者壽昌四世孫登宋政和八年第建炎二年

官左從事郎潭州瀏陽令四年軍賊杜彥等陷瀏陽處力戰三日死之湖南安撫司聞諸朝贈通直郎與其子

柔嘉將任郎恩澤因柔嘉歷仕贈至大中大夫三世孫
紹遠明遠四世孫用秦棟俱擢科第五世孫立之祐之
以易學授徒于家忠孝之有後儒者之世澤彰著如此
他如句容樊淵之孝廉梁水湯大關之五世同居輕財
急義汪立信冢婦李氏劉英傑妻吳氏陳登妻樂氏之
貞節經聖朝旌異悉出世儒之家其被服禮義之教有
自來矣然則歷代之崇尚儒雅欲以化民成
俗其效豈虛也哉附於志末俾後可覽觀焉



至大金陵新志卷九